

拾遺都名所図会自叙

白虎通曰京師者何謂也千里之邑号也盖法日月之經千里云古昔桓武帝建基於宇多
邑詔之曰平安城披二十二之通門立九重之広路街衢洞達櫛比鱗次而轟々可謂不觀皇
居壯安知天子尊凡其山川之形勝土地之秀異甲乎天下矣余幸生皇州間居洛陽而荷
簞瓢蓑笠之具翔於東北之丘壑逍遙於西南之村野躡巖臨水坐於桑下憩於松陰或
訪神窟或過仏壘無不尋問名勝之地無不搜求古蹟之幽時々誘引画工春朝齋隨見即
摸之遵聞即筆之矣嚮著都名所図会六卷然而所恨則蹟古而晦今者多矣今不昭之則
後世益没而不能知其蹤跡豈不多憾哉由是更補脫漏重著五卷而統前編之後焉抑
自明王之制封畿建都邑已來到於千載浴于治國平天下之福委姓於山林娛心於烟霞
伴苔蹊於樵童探妖艷花香誘蒼浪於漁父遭清朗明月也近復著大和名所図会。須磨赤
石名所図会等之二書然而邦畿千里山川之美景豈可竭筆端哉斑固之答宝戲或曰以
無功受著述家之譏若好古蹟博雅君子与我同志則所弗享毀也時

天明六丙午歲七月採筆於永昌堂

平安 秋里舜福湘夕題